

黃帝內經靈樞注證發微

黃帝內經靈樞註證發微卷之七

大明太醫院正文會稽庠生玄臺子馬蔣仲化註證

山陰儒醫甥冲宇子柳宗模校

逆順第五十五

內論氣有逆順用鍼者曾順而不可逆治故名篇

黃帝問于伯高曰。余聞氣有逆順。脉有盛衰。刺有大约。可得聞乎。伯高曰。氣之逆順者。所以應天地陰陽四時五行也。脉之盛衰者。所以候血氣之虛實有餘不足也。刺之大约者。必明知病之可刺與其未可刺。與其已不可刺也。此言氣有逆順。脉有盛衰。刺有大约也。與其已不可刺者。言病既已而不必刺也。

黃帝曰。候之奈何。伯高曰。兵夫曰。無迎逢逢之氣。無擊堂  
堂之陣。刺法曰。無刺熇熇之熱。無刺虛虛之汗。無刺渾渾  
之脉。無刺病與脉相逆者。黃帝曰。候其可刺奈何。伯高曰。  
上工刺其未生者也。其次刺其未盛者也。其次刺其已衰  
者也。下工刺其方襲者也。與其形之盛者也。與其病之與  
脉相逆者也。故曰。方其盛也。勿敢毀傷。刺其已衰。事必大  
昌。故曰。上工治未病。不治已病。此之謂也。按。又記軒轅之  
以神農時世衰。

諸侯相侵伐。軒轅乃習用干戈。以征不韙。故神農時世衰。  
云。蚩尤兄弟八十一人。獸身人語。銅鐵頭。食少。威振天下。  
黃帝以仁不能禁止。乃仰天而嘆。大遭玄女。玄女下授黃帝兵  
符。山海經云。黃帝令應龍攻蚩尤。請風伯雨師以從。大風  
雨。黃帝乃下天女曰嫫毘。以止雨。遂殺蚩尤。二書似殘然殺  
蚩尤則真。此此時亦有兵法。刺法曰。三句及下方其盛也。

四句又見素問癰論上丁未病二句又見素問四氣調神論逢滿蒙切焘音非詩板篇多汗焘焘未註云熾盛也此承上文而言病有不可刺之義也上文有與其未可刺一句故此節乃詳明之自上工以至下工有此四等正以見不可刺而刺者之爲下工也逢逢之氣勢來迫而甚盛者也堂堂之陣陣方整而甚衆者也故無迎者當避其來銳耳無擊者當擊其情歸耳焘焘者熱之甚盛也漉漉者汗之甚多也渾渾者脉之未清也此皆邪盛之時病勢與脉氣相逆所以皆不可刺也上工方病之未生而刺之其次則雖生而未盛亦刺之其次則雖盛而已衰亦刺之惟邪氣方襲或病形正盛或病勢脉

氣相逆皆不可刺者也。不可刺而刺之是之謂下工耳。

按此篇與癰論皆言邪氣甚感發為甚寒之際不可按刺正以病勢與肺氣相逆然則用藥者亦當先用藥于寒熱未至之先不分外感內傷之寒熱皆當如此。若邪氣方盛而用藥則寒藥反助其寒熱藥反助其熱不能解病而適以增病矣。醫者不可不知也。惜乎東垣丹陷諸君皆未言此所以後之醫者正有常山止瘧等藥則露宿早服而其餘後時而用者誤矣。愚用藥必于邪已衰未盛之時每獲効為甚。逆云。

五味第五十六

篇內詳論五藏所用五味之義故名篇

黃帝曰。願聞穀氣有五味。其入五藏分別奈何。伯高曰。胃

者五藏六府之海也。水穀皆入于胃。五藏六府皆稟氣于

胃。五味各走其所喜。穀味酸先走肝。穀味苦先走心。穀味

甘先走脾。穀味辛先走肺。穀味鹹先走腎。穀氣津液已行。

營衛大通。乃化糟粕。以次傳下。別皮劣切。下同。

此言五味各先走其所喜也。肝喜酸。心喜苦。脾喜甘。肺喜辛。腎喜鹹。故穀氣之五味各先走之也。其曰水穀皆入于胃。五藏六府皆稟氣于胃。卽營衛生會篇所謂人受氣于穀。穀入于胃。以傳于肺。五藏六府皆以受氣也。其曰穀氣津液已行。營衛大通。乃化糟粕。以次傳下。卽營衛生會篇所謂水穀者常并居于胃中。成糟粕而俱下于大腸。而成下焦。滲而俱下。泌別汁。循下焦而滲入于膀胱也。

黃帝曰。營衛之行奈何。伯高曰。穀始入于胃。其精微者。先

出干胃之兩焦以溉五藏別出兩行營衛之道其大氣之  
搏而不行者積干胃中命曰氣海出干肺循喉咽故呼則  
出吸則入天地之精氣其大數常出三入一故穀不入半  
日則氣衰一日則氣少矣別音營行音杭也音即周禮矢  
人止相筭飲生而搏咽音咽此  
節與本經邪客篇  
首節大義相同

此言穀化精微之氣者爲營氣衛氣大氣以主三焦而  
氣乃出多入少故穀不得不續用也胃納穀氣脾乃化  
之其精微之氣先出干中焦作則行干上焦由肺而行  
五藏六府所以灌溉五藏也其降則中焦行干下焦而  
營氣生其升則下焦至于上焦而衛氣生別出兩行營

衛之道其大氣

即宗氣

之搏而不行者積于上焦

即胸中

中命曰氣海

上氣

主出于肺循咽喉而出入之鼻中出

氣爲呼則氣從是出入氣爲吸則氣從是入一呼脉行三寸一吸脉行三寸呼吸定息脉行六寸積至一晝一夜計有一萬三千五百息則脉之一十六丈二尺者亦積行八百十丈矣但穀化之精氣呼則出之天地之精氣吸則入之其大數穀化之精氣出之者三分則天地之精氣入之者一分惟其出多入少故人半日不再用穀則穀化之精氣衰至一日則氣少故晁錯曰民生一日不再食則饑者正此意也



黃帝曰。穀之五味。可得聞乎。伯高曰。請盡言之。五穀。秬。米。甘。麻。酸。大。豆。鹹。麥。苦。黃。黍。辛。五果。棗。甘。李。酸。栗。鹹。杏。苦。桃。辛。五畜。牛。甘。犬。酸。豬。鹹。羊。苦。雞。辛。五菜。葵。甘。韭。酸。藿。鹹。薤。苦。葱。辛。秬。粳。米。

此言五穀五果五畜五菜各有五味也

五色。黃色宜甘。青色宜酸。黑色宜鹹。赤色宜苦。白色宜辛。凡此五者。各有所宜。所謂五色者。脾病者宜食秬米飯。牛。肉。棗。葵。心病者宜食麥。羊。肉。杏。薤。腎病者宜食大豆黃卷。豬。肉。栗。藿。肝病者宜食麻。犬。肉。李。韭。肺病者宜食黃黍。雞。肉。以應之。

此言五色與五味相宜而五藏之病各有所當。一黃  
色屬土甘味屬土脾亦屬土故色之黃者宜甘。一赤  
者主脾氣不足宜食穀果畜菜之甘者以益之赤色屬  
火苦味屬火心亦屬火故色之赤者宜苦而心病者主  
心氣不足宜食穀果畜菜之苦者以益之黑色屬水鹹  
味屬水腎亦屬水故色之黑者宜鹹而腎病者主腎氣  
不足宜食穀果畜菜之鹹者以益之青色屬木酸味屬  
木肝亦屬木故色之青者宜酸而肝病者主肝氣不足  
宜食穀果畜菜之酸者以益之白色屬金辛味屬金肺  
亦屬金故色之白者宜辛而肺病者主肺氣不足宜食

穀果畜菜之辛者以益之。此即宣明五氣論之所謂五

入也。

五禁肝病禁辛。心病禁鹹。脾病禁酸。腎病禁甘。肺病禁苦。

此言五藏之味有五禁。皆五行之相尅者也。金尅木。故

肝病禁辛。水尅火。故心病禁鹹。木尅土。故脾病禁酸。土

尅水。故腎病禁甘。火尅金。故肺病禁苦。此節當與素問

宣明五氣論之五禁本經九鍼論之五裁參看。按宣明

云辛走氣。氣病無多食辛。鹹走血。血病無多食鹹。苦走

骨。骨病無多食苦。甘走肉。肉病無多食甘。酸走筋。筋病

無多食酸。是謂五禁。又按九鍼論云。病在筋。食酸病

在骨。無食辛。病在骨。無食酸。病在血。無食甘。病在肉。無

肝色青宜食甘。粳米飯牛肉棗葵皆甘。心色赤宜食酸。犬  
肉麻李韭皆酸。脾色黃宜食鹹。大豆豕肉栗薤薤皆鹹。肺色  
白宜食苦。麥羊肉杏薤皆苦。腎色黑宜食辛。薑葱雞肉桃  
葱皆辛。

此又言五藏有宜食之味。皆自其所苦者而治之也。素  
問藏氣法時論云。肝苦急急食甘以緩之。心苦緩急食  
酸以收之。脾苦濕急食苦以燥之。肺苦氣上逆急食苦  
以泄之。腎苦燥急宜辛以潤之。至末又云。肝色青宜食  
甘。粳米牛肉棗葵皆甘。心色赤宜食酸。小豆本經作麻犬肉  
李韭皆酸。肺色白宜食苦。麥羊肉杏薤皆苦。脾色黃宜

食鹹大豆豕肉栗藿皆鹹腎色黑宜食辛黃黍雞肉桃  
葱皆辛大前既曰脾苦濕急食苦以燥之而後云脾  
色黃宜食鹹啓玄子云究斯宜合乃調利機關之義也  
腎爲胃關脾與胃合故假鹹柔其以利其關關利而胃  
氣乃行胃行而穀氣方化故脾之宜味與各藏不同也  
此節與素問同

水脹第五十七

內有水與膚脹  
字義故名篇

黃帝問于岐伯曰水與膚脹鼓脹臌  
脹石瘕石水何以別  
之

此帝欲明諸證之義而問之也無諸證病異而形相似

故宜有以別之耳

歧伯荅曰。水始起也。目窠上微腫。如新卧起之狀。其頸脉動時。欬。陰股間寒。足脛腫。腹乃大。其水已成矣。以手按其腹。隨手而起。如裹水之狀。此其候也。

此言水之證也。病方起時。目之下爲窠。叶云其微有所

腫。如新卧起之狀。大抵人之卧起者。其目窠上必腫也。

頸脉。卽人迎穴也。此脉動于頸。而欬動于內。在陰股則

冷。在足脛則腫。在上腹則大。以手按其腹。則隨手而起。

如裹水狀。此水病已成。而可驗者也。按本門陰陽別論云。三陰結謂之水。

啓玄子云。三陰者。謂脾肺之脉。俱寒結也。脾肺寒結。則氣化爲水。又按本經五癰津液篇有云。五穀之精氣。

和合而為膏者內參入下骨空補益腦髓而下流于陰  
腋陽不和則使液溢而下流于陰陽氣道不調則四肢不  
過度則虛虛故腰背痛而脈痿陰陽氣道不調則四肢不  
塞三焦不傳本液不化水穀并于腸胃之中則為小腸又  
留于下焦不得參膀胱則下焦脈水而則為小便又  
按論疾診尺篇言風水膚脹者親人之目窠上微赤則  
卧起狀其頸脈動時欬按其手足胥而不起則  
隨手而起為有水與風官而不起為有風有卡  
黃帝曰膚脹何以候之岐伯曰膚脹者寒氣客于皮膚之  
間皤皤然不堅腹大身盡腫皮厚按其腹膏而不起腹色  
不變此其候也

此言膚脹之證也寒氣客于皮膚之間其皤皤然而  
不堅其腹大其身盡腫其皮厚但按其腹則膏而不起  
其腹色亦不變此膚脹之為候也按論疾診尺篇之風水膚脹當為感風而

於此居脈者乃曰寒氣所客以宜有風寒之異且彼言抄其手足有而不起此曰按其腹背而不起則當知客而不起相同持者手足與腹之異宜詳辨之

鼓脹何如歧伯曰腹脹身皆大大與膚脹等也色蒼黃腹筋起此其候也

此言鼓脹之候也腹脹而周身皆大大與膚脹相等但

其色蒼黃腹中筋起為候耳按鼓脹與膚脹等不言按之起與不起當亦是不起

者惟其腹筋起者為辨又按素問腹中論黃帝曰有病心腹滿旦食則不能暮食名為何病歧伯曰名為鼓

脹治之以雞矢醴一劑知二劑已此方果有奇驗云

腸覃何如歧伯曰寒氣客于腸外與衛氣相搏氣不得營因有所繫癖而內着惡氣乃起瘕肉乃生其始生也太如



雞卵稍以益大。至其成如懷子之狀。久者離歲按之則堅。推之則多月事以時下。此其候也。

此言腸覃之證也。寒氣客於腸之外。衛氣有時而入。寒氣與衛氣相搏。衛氣不得營運。彼此相繫。癰而內着于腸。致使惡氣從茲而起。瘕肉乃生。其始生也大如雞卵。及其成也。如懷子之狀。久者歲以度。歲非止一歲。用手按之則堅。推之則移。附于腸外而不在胞中。故月事以時而下。此腸覃之爲候也。

石瘕何如。歧伯曰。石瘕生于胞中。寒氣客于子門。閉塞氣不得通。惡血當寫不寫。血以蓄止。日以益大。狀如懷子。

子。月事不以時下。皆生于女子。可導而下。

此言石瘕之證也。石瘕必生于胞中。正以寒氣客于  
門。子門閉塞。氣不得通於外。惡血之在內者。留而不  
惡血者。名為衃血。留止于胞中。日以益大。其狀亦如懷  
子。惟石瘕生于胞中。而不在腸外。故月事不以時下。此  
其所以為候也。然腸覃石瘕皆生于女子。治之者可導  
而下之。按腸覃由寒氣客于腸外而始。石瘕由寒氣客  
於子門而始。元時羅謙夫著衛生寶鑑有詳露  
法以治二病

黃帝曰。膚脹鼓脹可刺耶。歧伯曰。先寫其脹之血絡。後調  
其經。刺去其血絡也。

此言刺膚脹鼓脹之法也。二脹皆有血絡，須先寫之後，當分經以調之。其有血絡，又當再刺去之可也。按亦有問而伯也，所各系問陰陽別論多陰少陽，石水少腹腫與此同，但本篇之所謂水，則即陰陽別論之所謂三陰結謂之水，與石水不同。

賊風第五十八 內有賊風故名篇

黃帝曰：夫子言賊風邪氣之傷人也，令人病焉。今有其不離屏蔽，不出室穴之中，卒然病者，非不離賊風邪氣，其故何也？歧伯曰：此皆嘗有所傷，濕氣藏于血脉之中，分肉之間，久留而不去。若有所墮墜，惡血在內而不去，卒然喜怒不節，飲食不適，寒溫不時，腠理閉而不通，其開而遇風

寒則血氣凝結。與故邪相襲。則爲寒痺。其有熱則汗出。汗出則受風。雖不遇賊風。邪氣必有因加而發焉。

此言人有故邪。而又有新感。雖不必有賊風。邪氣之甚。而亦足以病也。賊風卽上古天真論等篇之所謂虛邪賊風也。夫以賊風邪氣傷人。而至于病者。固其常也。今有處于屏蔽室穴中。而卒然有病。則本離于賊風邪氣。而復有此病。帝之所以疑也。伯言雖非賊風邪氣之甚。然亦必有故邪與新感也。蓋嘗有所傷于濕氣。或因墮墜而有惡血在其中。又猝然有喜怒飲食寒溫。各失其常。所以腠理閉而不通也。及其腠理開。而或遇風寒。則

血氣凝結與濕氣惡血等之故邪相襲如春秋齊師則藥苦之藥則爲寒痺卽痺論之所謂寒氣勝者爲痛痺也斯時也正以有熱則汗出汗出則受風雖不遇賊風邪氣必因有所加而病由此發也

黃帝曰夫子之所言者皆病人之所自知也其母所遇邪氣又母怵惕之所志卒然而病者其故何也惟有因鬼神之事乎歧伯曰此亦有故邪留而未發因而志有所惡及有所慕血氣內亂兩氣相搏其所從來者微視之不見聽而不聞故似鬼神毋無同惡去声

此言有故邪而復動于情故病似鬼神而非鬼神也帝

疑上文所言爲病。皆病人之所自知。有等不遇乎。無  
所怵惕。卽卒然爲病。此必有因于鬼神之事。伯言人有  
濕氣惡血等之故邪。留而未發。固病人素所不知。因而  
偶有所觸。或好或惡。則血氣內亂。故邪與新志相搏。遂  
爾爲病。此其所從來者甚微。非見聞之所能及。故人不  
知其故。而以鬼神爲疑。乃似鬼神。而非鬼神也。

黃帝曰。其祝而已者。其故何也。岐伯曰。先巫者。因知百病  
之勝。先知其病之所從生者。可祝而已也。

此承上文而言病之所以祝由而已者。非病之由于鬼  
神也。夫病既非鬼神。有等祝之而可已者。正以先巫者。

因知百病之勝如逆氣及藏府相剋之勝氣爲病又知此人病所從生左傳史嚭曰神聰明正直而一者也今即其病由祝之遂祐其素善盛其誠心而病斯已矣

衛氣失常第五十九

黃帝曰衛氣之留于腹中積積不行苑蘊不得常所使人肢脇胃中滿喘呼逆息者何以去之伯高曰其氣積于胃中者上取之積于腹中者下取之上下皆滿者傍取之黃帝曰取之奈何伯高對曰積于上膈大迎天突喉中積于下者膺三里與氣街上下皆滿者上下取之與季脇之下一寸一本云季脇之下深一寸重者難足取之診視其脉大而弦急及

絕不至者。及腹皮急甚者。不可刺也。黃帝曰。善。苑音

此言衛氣之積於內者。有所當刺之處。及有不可刺之時也。素問痺論有云。衛者。水穀之悍氣也。其氣慄悍滑利。不能入于脉也。故循皮膚之中。分肉之間。薰于盲膜。散于胃腹。今衛氣不能行于皮膚盲膜。而乃留于腹中。稽積不行。鬱蘊不得常所。使人在旁病于肢脇。在中病于胃中。則為胃為腹在其中矣。其病腹滿發為喘呼逆息者。此皆何以去之。伯高言凡衛氣之積于胃中。當取之于上。如足陽明胃經之大迎穴。任脉經之天突廉泉穴。積于在下之腹中。對胃中而言。故謂腹為下。當取之于下。厲足陽



明胃經三里氣衝穴。胃中與腹中俱滿則爲上下皆滿。當取之于旁。及上下皆取之。卽大迎天突廉泉三里氣街皆是也。與季脇下一寸。卽足厥肝經章門穴。其積重者。卽擯鍼以刺之。如雞足之狀。然又診視其脉大而弦急。乃邪氣正盛。宜避其來銳。若脉絕不至。則正氣極衰。宜防其過洩。及腹皮急甚。亦邪盛正衰所致。皆不可輕刺之也。

黃帝問于伯高曰。何以知皮肉氣血筋骨之病也。伯高曰。色起兩眉薄澤者。病在皮。唇色青黃赤白黑者。病在肌肉。營氣濡然者。病在血。氣目色青黃赤白黑者。病在筋。耳焦

風垢病在骨

此言皮肉氣血筋骨之病皆有可驗之處也。欲知皮病當驗兩眉蓋兩眉間即關中爲肺之部而肺合于皮故兩眉間色起薄澤者則知病之在皮也。欲知肌肉之病當驗之唇蓋唇主于脾而脾主肌肉故觀唇色有青黃赤白黑者則知病之在肌肉也。欲知血氣有病當驗之于營氣但營氣無形而濡然多汗則知病之在血氣也。欲知筋之有病當驗之于目蓋肝主筋而目爲肝之竅故觀目色有青黃赤白黑者則知病之在筋也。欲知骨之有病當驗之于耳蓋腎主骨而耳爲腎之竅故觀

其耳之焦枯受垢者。則知病之在骨也。

黃帝曰。病形何如。取之奈何。伯高曰。夫百病變化。不可勝數。然皮有部。肉有柱。血氣有輪。骨有屬。黃帝曰。能聞其故。伯高曰。皮之部。輸于四末。肉之柱。在臂脛諸陽分肉之間。與足少陰分間。血氣之輸。輸于諸絡。氣血胥居。則盛而起。筋部無陰。無陽。無左無右。候病所在。骨之屬者。骨空之所。以受益而益腦髓者也。黃帝曰。取之奈何。伯高曰。夫病變化。浮沉深淺。不可勝窮。各在其處。病間者。淺之。甚者。深之。間者。少之。甚者。衆之。隨變而調氣。故曰上工。數上声。勝平声。間去声。此承上文而言。皮肉氣血筋骨之病。各有病所。及有治

法也。欲知皮之有病者，必有其部。蓋皮之爲部，輸運于四支。欲知肉之有病者，必有其柱。蓋肉之爲柱，上則爲臂，下則爲脛。乃手足六陽經與足少陰腎經分肉之間也。欲知氣血之有病者，必有其輸。蓋血氣之爲輸，在于諸經之絡穴。若氣血留居，則盛而筋起。但以筋爲主，不必分陰經陽經，或左或右而止。候其筋之爲病耳。欲知骨之有病者，必有其屬。蓋骨之爲屬，凡一身之骨，空其所受益者皆是也。而骨又與腦通，又皆所以益其腦髓耳。故取穴以刺之者，亦惟于皮肉氣血筋骨各視其處病間者，則淺刺之而鍼少；病甚者，則深刺之而鍼多。隨

其變化而調之。是之謂上工也。

黃帝問于伯高曰。人之肥瘦大小寒溫。有老壯少小。別之

奈何。少別俱夫声

此帝卽人之肥瘦寒溫老壯少小而欲分別之也。大小者身之大小也。寒溫者身寒暖也。

伯高對曰。人年五十已上爲老。二十已上爲壯。十八已上

當作爲少。六歲已上當作爲小。

此伯高言人之老壯少小。以年云別之也。

黃帝曰。何以度知其肥瘦。伯高曰。人有肥有膏有肉。黃帝

曰。別此奈何。伯高曰。膈肉堅一本云皮滿者肥。膈肉不堅

膚緩者膏。皮肉不相離者肉。

國醫

此言人之有肥有膏有肉者之分也。肥者。猶言壯也。腰後曲處爲膈膏者。油也。脂者。骨中髓也。

黃帝曰。身之寒溫何如。伯高曰。膏者。其肉淖。而阻理者。身寒。細理者。身熱。脂者。其肉堅。細理者。熱。粗理者。寒。

此言人身之有冷熱也。大凡人之多膏者。其肉必淖。但腠理粗則其身寒。若細則身熱也。人之多脂者。其肉必堅。但腠理粗則其身寒。若細則身熱也。

黃帝曰。其肥瘦大小奈何。伯高曰。膏者。多氣而皮縱緩。故能縱腹垂腴。肉者。身體容大。脂者。其身收小。

此言人身有肥瘦大小也大凡人之有膏者其氣必多而皮自縱緩故能縱腹垂腴此之謂肥也反是則爲瘦矣人之有肉者其身體自然容大此之爲大也人之有脂者其身必收小此之謂小也上文帝問肥瘦而伯高止以肥膏肉三義爲對其肥瘦猶未分也故帝於此并問之耳

黃帝曰三者之氣血多少何如伯高曰膏者多氣多氣者熱熱者耐寒肉者多血多血則充形充形則平脂者其血清氣滑少故不能大此別于衆人者也

此言人之有膏有肉有脂者其氣血各有多少而身之

今熱遂別也。言者其氣必多。多則身必熱。故能耐寒也。肉者其血必多。多血則形充而不寒不熱也。脂者其血必清而氣必滑且少。故其身形不大而必能耐寒也。此三者必異于衆而不能多也。

黃帝曰：衆人奈何？伯高曰：衆人皮肉脂膏不能相加也。血與氣不能相多。故其形不小不大。各自稱其身。命曰衆人。稱去

此言人之衆者其形不大不小。必其皮肉脂膏血氣之不加多也。

黃帝曰：善。治之奈何？伯高曰：必先別其三形。血之多少氣



之清濁而後調之。治無失常經是故膏人縱腹垂腴肉人者上下容大脂人者雖脂不能大也。

此言治三形者必別其氣血之多少清濁也三形者卽膏人肉人脂人也。

玉版第六十

本有黃帝玉版以爲重寶故名篇素問有玉版論亦指之玉版也。

黃帝曰余以小鍼爲細物也夫子乃言上合之于天下合之于地中合之于人余以爲過鍼之意矣願聞其故歧伯曰何物大于天平夫大于鍼者惟五兵者焉五兵者死之脩也非生之具且夫人者天地之鎮也其不可不參乎夫治民者亦惟鍼焉夫鍼之與五兵其孰小乎。按管子曰蚩尤受盧山之

而作五兵則黃帝時即有五兵一弓二矢三矛四戈五戟。一云東方矛南方弩中央鉞西方戈北方戟也。

此言小鉞合于三才者以其較之五兵而其功用爲尤大也。五兵雖大乃所以脩死而非平曰治生之具小鉞雖小乃所以治民之生而不待脩死而後用也。較之五兵其功用合于三才而非可以小補言者宜矣。

黃帝曰病之生時有喜怒不測飲食不節陰氣不足陽氣有餘營氣不行乃發爲癰疽陰陽不通兩熱相搏乃化爲膿小鉞能取之乎。歧伯曰聖人不能使化者爲其邪不可留也。故兩軍相當旗幟相望白刃陳於中野者此非一日之謀也能使其民令行禁止士卒無白刃之難去聲者非一

日之教也。須臾之得也。夫至使身被癰疽之病。膿血之聚者。不亦離道遠乎。夫癰疽之生。膿血之成也。不從天下。不從地出。積微之所生也。故聖人自治于未有形也。愚者遭其已成也。黃帝曰。其已形。不予遭。膿已成。不予見。爲之柰何。歧伯曰。膿已成。十死一生。故聖人弗使已成。而明爲良方。著之竹帛。使能者踵而傳之。後世無有終時者。爲其不予遭也。按史記云。軒轅之時。神農世衰。諸侯相侵伐。軒轅習用干戈。以征不韋。炎帝侯陵諸侯。黃帝與戰于阪泉之野。蚩尤作亂。又與戰于涿鹿之野。則旗幟白刃。陳于中野者。信有之也。此言癰疽生于積微。其已成而難化者。爲其失修養之道。而聖人憫之。故必遺之以良方也。陰氣者。營氣也。陽

氣者衛氣也。惟營氣不足，衛氣有餘，故營氣不行，癰疽乃發。膿隨熱聚，小鍼難取，正以邪盛難化，猶用兵者，其謀非止于一日，其遠難正在于須臾，誠不可不慎也。况生此癰疽之人，使身被癰疽而膿血已聚，惟其遠脩養之道耳。詎知癰疽由微而積，聖人自治于未成形之始，愚者則遭于既已成形之後，所以治之失其時也。然而不得與聖人相遭相見，而聖人慮其膿血已成，多死少生，乃著爲良方以傳之。彼小鍼者，雖可以治民，而非可以治癰疽也，亦明矣。

黃帝曰：其已有膿血而後遭乎？不道之以小鍼治乎？歧伯

曰以小治小者其功小以大治大者多害故其已成膿血者其惟砭石鉋鋒之所取也

此言癰疽已成膿血者惟治之以砭石鉋鍼鋒鍼而已。以小治小者其功小故不可用小鍼也。以大治大者多害。故鉋鋒之外不可輕用也。唯砭石者以石為鉋及鉋。鍼鋒鍼皆可以取之耳。本經九鍼論四曰鉋取法于分。主癰熱出血。五曰鉋取法于針鋒。廣二分半。長四分。主大癰膿兩熱爭者也。文見本經第一篇九鍼十二

原

黃帝曰多害者其不可全乎。歧伯曰其在逆順焉。黃帝曰願聞逆順。歧伯曰以為傷者其白眼青黑眼小是一逆也。

內<sub>三</sub>逆而嘔者。是二逆也。腹痛渴甚。是三逆也。肩項中不  
便是四逆也。音嘶色脫。是五逆也。然此五者。為順矣。<sub>或大</sub>  
此言癰疽之難全者。唯驗其病勢之五逆。而五順可反  
惟矣。人之目。雖為肝之外候。然又分屬于五臟。其白眼  
屬肺。今反青。是肝邪侮所不勝。當為肺氣衰也。黑眼者  
即眼之睛也。屬于肝。今反小。乃肝氣衰也。<sub>後世眼科以</sub>  
<sub>曰。屬肺。眼珠屬肝。上下也。</sub>非一逆而何。納藥而嘔。乃脾  
<sub>屬脾。瞳子屬腎。為五輪。</sub>氣衰也。非二逆而何。腹痛者。邪甚渴甚者。火盛。非三逆  
而何。肩屬手之三陽。項屬手足六陽。及督脉經。今肩項  
不便是。陽盛陰虛也。非四逆而何。音嘶者。肺衰也。色脫

者五藏衰也。非五逆而何？若除此五者，則爲順矣。

黃帝曰：諸病皆有逆順，可得聞乎？岐伯曰：腹脹身熱，脉大是一逆也；腹鳴而滿，四肢清泄，其脉大是二逆也；衄而不止，脉大是三逆也；咳且溲血，脫形，其脉小勁，是四逆也；欬脫形，身熱，脉小以疾，是謂五逆也。如是者，不過十五日而死矣。其腹大脹，四末清，脫形泄甚，是一逆也；腹脹，便血，其脉大時絕，是二逆也；欬溲血，形肉脫，脉搏，是三逆也；嘔血，胃滿引背，脉小而疾，是四逆也；欬嘔腹脹，且飧泄，其脉絕，是五逆也。如是者，不過一時而死矣。工不察此者而刺之，是謂逆治。

此言諸病皆有逆順有五逆之半月而死者有一逆之  
一時而死者醫工不可以逆治之也腹滿身熱而其脉  
亦大是邪正盛也非一逆而何腹鳴而滿四久清冷後  
天下泄陰證也而其脉又大是陰證得陽脉也非二逆  
而何衄血不止陰證也而其脉又大亦陰證得陽脉也  
非三逆而何在止爲咳在下洩血又且脫形正氣已衰  
也而其脉之小者帶勁是邪猶未衰非四逆而何其聲  
欬其形脫其身熱正衰火盛也而脉之小者帶疾是邪  
亦未衰非五逆而何此其所以半月而死也又有腹  
大而脹四支則冷而其形既脫其泄又甚非一逆而何



腹脹于中。便血下下。乃陰證也。而其脉又大。且特絕。是  
大爲陽脉。絕爲死脉。非二逆而何。在上爲欬。在下爲血。  
其形已脫。火盛水虧也。而脉又搏擊。非三逆而何。嘔血  
而胃滿引背。脉固宜小。而小中帶疾。虛而火盛也。非四  
逆而何。上爲欬嘔。中爲腹脹。下爲殄泄。病已虛也。而其  
脉則絕。非五逆而何。此其所以不及一時而死也。夫日

者一周時也  
者一日之意

五逆不可刺而刺之。是謂逆治之耳。

黃帝曰。夫子之言鍼甚駭。以配天地。上數天文。下度地紀。  
內別五藏。外次六府。經脉二十八會。盡有周知。能發生人。  
不能起死者。子能反之乎。歧伯曰。能發生人。不能起死者。

也。黃帝曰：余聞之則爲不仁，然願聞其道。弗行十人，曰：是明道也，其必然也。其如刀劍之可以殺人，如斧之可以斲木，雖勿診，猶可知矣。黃帝曰：願卒聞之。歧伯曰：人之所受氣者，穀也。穀之所注者，胃也。胃者，水穀氣血之海也。海之所行，雲氣者，天下也。胃之所出，氣血者，經隧也。經隧者，五藏六府之大絡也。迎而奪之而已矣。黃帝曰：上下有數乎？歧伯曰：迎之五里，中道而止；五至而已；五往而藏之，氣盡矣。故五五二十五，而竭其輸矣。此所謂奪其天氣者也。非能絕其命，而傾其壽者也。黃帝曰：願卒聞之。歧伯曰：闕門而刺之者，死于家中；入門而刺之者，死于堂上；黃帝

曰善乎方明哉道請著之玉版以爲重寶傳之後世以爲  
刺禁令民勿敢犯也闕窺

此言鍼之能殺生人者在于奪其五里以竭經隧之氣  
此其所以爲刺禁也二十八會者手足十二經左右相  
同共有二十四脉加以兩蹻督任共爲二十八會也世  
有能于生人則殺之死人則不能起之此問之者因爲  
不仁而聞之而弗行正所以明道也故能殺生人之機  
真如刀劍之殺人如酒之醉人雖勿診視之而可以預  
知也何也試觀毒之行雲氣者本于地氣上爲雲而後  
雲氣行于天之下也胃之有氣血本于穀氣所化而後

血氣行于十二經之隧也是經隧者誠爲五藏六府之  
大脉絡耳迎其氣之來而有以奪之則能殺生人矣故  
究其上下各經之數上下手不必盡藏府之穴以刺之  
止卽五里穴以奪其氣按五里係手陽明大腸經穴肘  
腧云尺動脉五五輪之禁也素問氣約至中道而止鍼  
穴論云大禁二十五在天府下五寸約至中道而止鍼  
候其氣之來者五至而已鍼凡五徃以奪之而此藏之  
氣盡矣及奪至二十五次而五藏輸穴之氣皆已竭矣  
此乃奪其天氣非由命之自絕壽之自傾實所以殺此  
生人也又何也吾窺門而見其刺其人當死于家中吾  
入門而見其刺其人當死于堂上死之最易又如斯耶

五禁第六十一

內有五禁五奪五過五逆九宜等法然以五禁爲首故名篇

黃帝問于岐伯曰。余聞刺有五禁。何謂五禁。岐伯曰。禁其不可刺也。黃帝曰。余聞刺有五奪。岐伯曰。無寫其不可奪者也。黃帝曰。余聞刺有五過。岐伯曰。補寫無過其度。黃帝曰。余聞刺有五逆。岐伯曰。病與脉相逆。命曰五逆。黃帝曰。余聞刺有九宜。岐伯曰。明知九鍼之論。是謂九宜。此言刺家有五禁五奪五過五逆九宜之分也。

黃帝曰。何爲五禁。願聞其不可刺之時。岐伯曰。甲乙日自乘。無刺頭。無發滕于耳內。丙丁日自乘。無振埃于喉廉泉。戊己日自乘。無刺腹去爪。庚辛日自乘。無刺

關節于股膝。壬癸日自乘。無刺足脛。是謂五禁。

此詳言五禁之實也。天干應于人身。頭爲甲乙。有喉爲丙丁。戊己爲手足。四支合辰戌丑未之四季。庚辛應股膝。壬癸應足脛。故凡天干自乘之日。皆無刺之。發滕振埃。俱刺法。名目見本經刺節真邪篇。

黃帝曰。何謂五奪。岐伯曰。形肉已奪。是一奪也。大奪血之後。是二奪也。大汗出之後。是三奪也。大泄之後。是四奪也。新產及大血之後。是五奪也。此皆不可寫。

此詳言五奪之實也。寫者。鍼之寫法也。然用藥亦猶是矣。

黃帝曰。何謂五逆。岐伯曰。熱病。脉靜。汗已出。脉盛躁。是一逆也。病泄。脉洪大。是二逆也。著痺。不移。脰肉破。身熱。脉偏絕。是三逆也。漚而奪形。身熱。色天然白。及後下血。衄血。衄爲重。是謂四逆也。寒熱奪形。脉堅搏。是謂五逆也。讀者

此詳言五逆之實也。凡熱病者。脉宜洪。今反靜。是邪盛正衰也。汗已出。脉宜靜。今反盛躁。是邪氣猶盛也。是一逆也。凡病泄者。脉宜靜。今反洪大。是邪氣猶盛也。是二逆也。著痺。不能轉移。其脰肉已破。其身熱。脉宜洪盛。今已偏絕。蓋偏則一手全無。紀則二手全無也。是三逆也。人有好淫。而形肉已奪。其身發熱。其色天然而白。又乃

去後復有衄血其血之凝黑者且多而篤重是四逆也  
人有久發寒熱而形體已奪脉軟則邪散今堅而且搏  
是謂五逆也

動輸第六十二

內論手太陰足少陰足陽明之俞穴獨動不休故名滿

黃帝曰經脉十二而手太陰足少陰陽明獨動不休何也  
歧伯曰是明胃脉也胃爲五藏六府之海其清氣上注于  
肺肺氣從太陰而行之其行也以息往來故人一呼脉再  
動一吸脉亦再動呼吸不已故動而不止黃帝曰氣之過  
于寸口也上十焉息下八焉伏何道從還不知其極歧伯  
曰氣之離藏也卒然如弓弩之發如水之下岸上于魚



已父衰其餘氣衰散以同已逆上故其行微

此因帝問肺腎胃經之脉獨動不休而先以肺言之也手足經脉共有十二唯手太陰肺經足少陰腎經足陽明胃經其脉獨動不休即如肺之太淵腎之太谿胃之衝陽誠動之不休也他經之脉行之甚微似有所休故問耳伯乃以肺經言之蓋肺脉雖行于肺而實始之于胃是必明之于胃脉而後可以知肺脉也胃為五藏六府之海受水穀之氣以生精微之氣其積于上焦者名曰宗氣又名大氣其由中焦以降于下焦而生者名曰營氣所謂清者為營是也故此篇遂名之曰清氣由下焦以

升于中上二焦而生者名曰衛氣所謂濁者爲衛是也  
故卜節名曰悍氣是清氣隨宗氣以行于經脉之中始  
從中焦注于肺從太陰經而行之由是而行于手陽明  
大腸經足陽明胃經是太陰脾經手少陰心經手太陽  
小腸經足太陽膀胱經足少陰腎經手少陽三焦經手  
厥陰心包絡經足少陽膽經足厥陰肝經又自肝經以  
行于肺經其行也以息往來蓋一呼一吸總爲一息惟  
其一呼脉乃再動一吸脉亦再動一呼一吸脉乃四動  
閏以大息脉乃五動呼吸不已故動而不止良由寸口  
者卽手太陰經之太淵穴十二經脉必會于此此脉之

所動而不休也。然脉之過于寸口也。上之從息而行者。可擬十分。下之伏于藏內者。可擬八分。但不知其何道而來。何道而還。罔有抵極。帝之所以復問也。大我見本本帝所言。而此又問者。豈明而欲復明耶。抑亦此問在經脉篇前耶。伯言脉氣之離于各藏也。如矢之離于弓弩。如水之下于岸。矢發則得。水下則流。及其會于寸口。上于魚際。則會于肺經矣。又從肺經而行之。一晝一夜。共五十度。但其上魚之際。十焉在息。下魚之後。八焉伏藏。故上魚既已。則氣似反衰。及其餘氣衰散既已。則又逆而上之于魚。是以各經上魚之後。行之甚微。惟肺則為百脉所朝。而獨動不休者。非他

經之可同也

黃帝曰。足之陽明。何因而動。歧伯曰。胃氣上注于肺。其悍  
氣上衝頭者。循咽。上走空竅。循眼系。入絡腦。出頤。下客主人。  
循牙車。合陽明。并下人迎。此胃氣別走于陽明者也。故  
陰陽上下。其動也若一。故陽病而陽脉小者。為逆。陰病而  
陰脉大者。為逆。故陰陽俱靜。俱動。若引繩相傾者。病。頤王篇音坎。皆釋云。饒黃起行。今日出頤。及本經癰狂等篇。皆有頤痛。此必有定所。疑是頤頤。通用當讀頤為頤。  
此言胃脉動之不休也。三焦之氣。皆從胃氣而生。營氣  
隨宗氣以上。注于肺。而行之。其悍氣者。衛氣也。衛氣受  
氣于上焦。為純陽之氣。慄悍滑利。天明日張。則上衝于

頭循內咽喉上走空竅循于眼系以出于足太陽膀胱

經之睛明穴歷橫竹曲差五處承光通天絡卻等穴入

絡于腦復出于頷下足少陽膽經之客主人。一名上關

上廉開口有空氣循胃經之牙車。一名橫關一名曲牙耳

張口取之乃得合于陽明之經隧并下胃經之人迎。一名

車當是頰車寸大脉動應手夾結候兩旁一此雖衛氣所行實內之

胃氣出而別走于陽明之經隧者也故其晝行于陽經

夜行于陰經然陰陽升降其動也若一故人有陽病脉

宜洪大其胃脉反小者為逆以陽病宜見陽脉也人有

陰病脉宜沉細其胃脉反大者為逆以陰病宜見陰脉

也故陽病而俱靜陰病而俱動若引繩以相傾者必折  
此胃脉所以動之不休而亦可以驗諸病也以衛氣之  
行卽胃氣以爲之主耳

黃帝曰足少陰何因而動岐伯曰衝脉者十二經之海也  
與少陰之大絡起于腎下出于氣街循陰股內廉邪入  
臍中循脛骨內廉並少陰之經下入內踝之後入足下其  
別者邪入踝出屬跗上入大指之間注諸經以溫足脛此  
脉之常動者也

此言腎脉動之不休也然有奇經者八其衝脉者爲十  
二經之海與足少陰腎經之大絡起于腎下出于足陽

明胃經之氣街卽氣衝歸來下二寸夾臍相去四復循寸胃臑上一寸動膝後曲處之胭中循胫骨內廉並本經少陰之經下入內踝之後經復溜水泉照海大鍾等穴入于足下之湧泉其別支者方其斜入內踝之時出而屬于足面之跗上入大指之間注諸絡以溫足脛此腎脉之所以常動不休也由此觀之則肺脉動之不休者以營氣隨宗氣而行諸經其諸經之脉朝于肺也胃脉動之不休者以衛氣出于胃而行之不已也腎脉動之不休者以衝脉與腎脉並行而行之不已也此其所以異于諸經也歟

黃帝曰營衛之行也。上下相貫如環之無端。今有其卒然遇邪氣。及逢大寒。手足懈惰。其脉陰陽之道相輸之會行相失也。氣何由還。歧伯曰。夫四末陰陽之會者。此氣之太絡也。四街者。氣之徑路也。故絡絕則徑通。四末解則氣從合。相輸如環。黃帝曰。善。此所謂如環無端。莫知其紀。此之謂也。

此言營衛之行相輸如環。非邪氣大寒之所能失也。帝問營氣隨宗氣以行于經隧之中。始于手太陰而終于足厥陰。衛氣行于各經皮膚分肉之間。始于足太陽而終于足太陰。陰陽諸經相貫而行。如環無端。但卒然遇



邪氣大寒則手足懈惰其脉氣所行陰陽之路輸運之  
會宜乎其相失也則營氣何由而還復欲始于手太陰  
以終于足厥陰衛氣亦何由而還復欲始于足太陽以  
終于足太陰者難矣伯言四支爲四末如謂木枝爲末乃陰陽  
諸經所會而爲管衛二氣之大絡也四街者卽本經衛  
氣篇之所謂胃氣有街腹氣有街頭氣有街脛氣有街  
者是也此四街爲管衛二氣之徑路故大絡雖或阻絕  
而徑路則自相通彼逢邪氣大寒之時手足固懈惰  
父懈惰已畢而少解則二氣復從而合相輸如環而何  
相失之有哉

五味論第六十三

內論五味各有其所走故名

黃帝問於少俞曰。五味入于口也。各有所走。各有所病。酸走筋。多食之。令人癰。鹹走血。多食之。令人溺。辛走氣。多食之。令人洞。心苦走骨。多食之。令人變。嘔甘走肉。多食之。令人悅心。余知其然也。不知其何由。願聞其故。悅心同

此帝卽五味各有所走。而多食各有所病者。問之也。癰小便不通也。洞心者。心內空也。悅心者。心內悶也。

少俞荅曰。酸入于胃。其氣澆以收上之。而焦弗能出入也。不出卽留于胃中。胃中和溫。則下注膀胱。膀胱之脰薄以懦。得酸則縮。繆約而不通。水道不行。故癰。陰者。積筋之所

終也故酸入而走筋矣

宣明五氣篇云酸走筋而多食酸

此答言酸之多食令人癢也蓋酸之氣味凝滯而收斂

既入于胃之中脘則上兩焦即上中二焦也

營衛生會篇之其氣味亦遽能出入乃留于胃中久則

胃中和溫而下注膀胱膀胱為胞之室胞在其中其體

薄其氣懦得此酸味則縮而且縊所以約而不通水道

不行而為癰也至于外而為陰器者乃一身之筋于此

而終彼肝既主筋又主于酸故酸入則走筋其陰器亦

有所約而小便不利矣豈特膀胱之在內者為然哉

黃帝曰鹹走血多食之令人渴何也少俞曰鹹入于胃其

氣上走中焦。注于脉。則血氣走之。血與鹹相得。則凝。凝則胃中汁注之。注之。則胃中竭。竭則咽路焦。故舌本乾而善渴。血脉者。中焦之道也。故鹹入而走血矣。又見宣明五氣論

此言多食鹹之令人渴也。蓋鹹入于胃。其氣上走于中

焦。入之爲脉。必由中焦而始。今鹹走中焦。則必注于脉。

脉行而血氣隨之以走。惟血與鹹味相得。則凝。世俗宰牲加鹽

以疑血者爲此疑則血燥。而胃中之汁。注以潤之。由是胃中之

汁竭。竭則咽路枯焦。故舌根乾而善渴也。血脉爲中焦

之路。故鹹入而走于血耳。

黃帝曰。辛走氣。多食之。令人洞心。何也。少俞曰。辛入于胃。

其氣走于上焦。上焦者，受氣而營諸陽者也。薑韭之氣薰之營衛之氣，不時受之，久留心下，故洞心。辛與氣俱行，故

辛入而與汗俱出。

宣明五氣篇云：辛走氣，氣病無多食辛。

此言多食辛者，令人洞心也。蓋辛入于胃，其氣一走于上焦。上焦者，受氣而運諸陽者也。故辛味既走于上焦，則不得不走于氣耳。卽如薑韭者，氣味之辛者也。營衛由中焦而生，必上隨宗氣以行于經隧之中。衛氣南下焦而生，亦必出而行于分肉之間。所以不時受此辛味之氣也。惟此薑韭之氣久留心下，則物在心下而氣薰于上焦。上焦氣轉心內似空，故多食辛者必洞心也。且

此辛氣與心中之氣相得而俱行。辛入則汗必出汗之  
出者以氣之出也。其心安得而不洞乎。

帝曰：苦走骨，多食之令人嘔，嘔何也？少俞曰：苦入于胃，  
五穀之氣皆不能勝苦，苦入下脘，三焦之道皆閉而不通，  
故變嘔。齒者骨之所終也，故苦入而走骨，故入而復出，知  
其走骨也。宣明五藏篇云：苦走骨，骨病無多食苦。

此言多食苦者，令人嘔也。蓋苦入于胃，而胃中五穀之  
氣皆不能勝此苦味，故苦入下脘，則上中下焦之氣皆  
閉而不通，遂使五穀在胃者，氣味不和，所以變而為嘔  
也。况齒者乃骨之所終，故苦入則走骨，走骨則走齒，今

入而後出者即從齒出也此可以知苦之心走骨矣

黃帝曰甘走肉多食之令人悅心何也少俞曰甘入于胃其氣弱小不能上至于上焦而與穀氣下胃中者令人柔

潤者也胃柔則緩緩則動動則令人悅心其氣外通

於肉故甘走肉

黃帝曰甘走肉肉病無多食甘

此言多食甘者令人悅心也蓋甘入于胃則甘本屬土

其性主柔故甘味之氣最弱而小不能上至于上焦而

與五穀留于中脘所以胃氣亦柔潤也胃柔則氣緩氣

緩則蟲因味甘食在而動動則心自悶耳且所謂甘

走肉者甘既屬土土主于肉肉在下外甘味之氣必走

而聚之也。內與外不相通。其心安得而不肥乎。

心經靈樞註證發微七卷終